

REGVLA SOCIETATIS.

Regel der Gesellschaft.

Diese Regel ist der Regel Detri sehr gleichmessig / vnd lernet / wie man Gold vnd Geldes werth / Gewin vnd verlust / in Gesellschaften / Erbschaften / Item / im Kauffen vnd verkauffen / vnd was sich dieser Arth vorgleichen / rechtmessig theilen solle / auff das man liebe vnd einigkeit im Menschlichen Geschlecht erhalten müge. Wie solchs in folgenden *Exempeln* erkläret wird.

Von des Propheten Jonas Schiffarth.

Im Propheten Iona Cap. 1. lesen wir / wie Gott der HERR dem Propheten auferleget hat / den Niniviten seinen gerechten Zorn wieder ihre Sünde zuverkündigen / des sich der Prophete gewegert / vnd sich derhalben auff ein Schiff begeben hat / vnd mit den Schiffleuten dauon gefahren ist / aber der Allmechtige GOTT hat den Propheten Ionam, durch einen grossen Sturmwind auff dem Meer arestiret vnd auffgehalten / darüber die Schiffleute sehr erschrocken sind / als bald das Schiff zu leichtern / etlich Gerethe außgeworffen / auch darumb (sonder zweiffel aus sonder schickung GOTTes) das Loß geworffen haben / zu verkündigen / vmb wen es doch müsse zu thun sein / vnd weil das Loß den Propheten Ionam getroffen / hat er sich willig darein begeben / das sie ihn aus dem Schiffe ins Meer gestürket haben / welchen als bald ein grosser Wallfisch auffgefangen vnd verschlungen / aber nach dreyen tagen vnd nachten wieder zu Rande vnd Lande gebracht hat / das er nach dem befehl des HERN den Niniviten die Bussse geprediget hat.

Dauon wollen wir auch ein nützlich *Exempel* nemen.

u ij

Wann